


T 2816  
3203

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
AUG 22 1939

欽定平定臺灣紀畧



卷之四



欽定平定臺灣紀畧卷三十九



十月初三日

丁酉

浦霖奏言川兵赴閩自湖北荆

州順流前進應由湖南巴陵縣經過

臣

先經飭

令地方官將一切官兵食用薪蔬等物寬爲預

備隨到隨卽應付不令兵丁一人上岸以免耽

延并可無虞滋事並飭委署岳州府李之斌署

岳州城守營叅將伊靈阿督率文武各員分駐

沿江往來照料茲於九月十七日全數出境成  
都將軍鄂輝亦於是日督押末起兵船晝夜前  
進並無停留兵丁等亦極為安靜奏入報

聞

初四日

戊戌

福康安奏言自入閩省以來沿途不

見柴大紀文報知諸羅受困更為危急及閱看

恒瑞奏稿所帶赴援之兵於二十五日行至鹽

水港不能前進尚未與柴大紀會合而常青株

守府城營盤南路賊匪仍行四出攻擾

臣

沿途

細加探訪雖傳聞之辭不一大約南北兩路官

兵僅可支持防守至今尚未得手

臣

於十七日

馳抵廈門晤見李侍堯詢以賊匪情形亦言近

日屢接臺灣各官稟報賊勢似更猖獗將各稟

與

臣

閱看內臬司李永祺稟稱府城週圍十里

之內村莊盡被脅從不惟諸羅受困卽郡城亦在圍中郡城兵丁除撥往諸羅七千名外其餘呈報病故者殆無虛日現在臥病者尙有一千數百名兵勢日益餒怯南潭賊匪距城甚近其地附近大穆降蔦松岡山等莊皆係賊匪聚處此時郡城甚爲可慮又永福等稟稱諸羅城西十里地名湯元店賊匪衆多屢次赴援之兵皆

於此處被截今蔡攀龍等救援諸羅會同遊擊楊起麟等前進行至該處亦被賊人阻截惟蔡攀龍孫全謀邱能成帶兵七百名到縣其餘多有損失副將貴林遊擊楊起麟等聞已被害而附近鹽水港之樹林頭鹿仔草新店等處於二十六二十八二十九等日已被賊匪搶佔鹽水莊民大半從賊各等語臣查各員所稟鹿仔草

欽定大清會典事例 卷三十九  
三  
等處被賊佔據及將弁兵丁損失各情節俱係  
巡檢邵宗堯稟報之詞或係該員等張大其詞  
亦未可定必須親至該處目擊情形方可相機  
籌辦竊思臺灣賊匪原係烏合之衆易聚易散  
但該將軍等調度失宜官兵多有損失賊勢固  
結蔓延日肆猖獗而該將軍等節次奏報之摺  
僅以支持堵禦情節敷衍塞責而於賊匪出沒

屯聚實在情形及官兵打仗損失之數並未詳

悉陳明一味支吾掩飾以致久未戡功現在臺

灣地方據

臣

所聞自鳳山以至彰化要隘處所

多被賊匪佔據道路梗塞近山一帶如布袋尾

雙口坑大穆降九芎林頭湖二湖三湖皆係賊

巢是以南北兩路賊匪處處相通而官兵各守

一方相距遼遠聲勢轉不能聯絡且進兵道路

窄狹數人不能並行賊匪潛伏道旁莊內俟我兵經過行至半途卽突出從中抄截領兵將弁不知探明路徑設法防備以至累中賊匪狡計卽奮勇如蔡攀龍救援諸羅亦不能全師直抵縣城是其明驗看來賊匪不過鬼蜮伎倆慣於中途邀截若我兵探視賊踪所至沿途搜捕連得數次勝仗其技立窮無如自用兵以來辦理

不合機宜益長賊人之智全郡官弁兵丁俱不免心懷惶懼現在鹿仔港一帶藍元枚已經病故賊人聞知必致乘虛窺伺該處止有普吉保李化龍在彼臣若遙揣情形指示一切又恐與該處形勢不盡符合惟有速渡鹿仔港立定主見以鎮人心而壯軍威臣前於途次已飛檄各營嚴切曉諭申明軍紀盡改委靡之習一到鹿

金定平定臺灣續編 卷三十一 五  
仔港卽選擇勇往弁兵激勵出力義民相度地  
勢整兵奮勇前進務將賊匪屯聚相聯之處併  
力截斷痛加勦殺使其首尾不能相顧官兵所  
過之地不致旋通旋塞卽當酌量情形或帶兵  
直抵諸羅或進逼大里杙賊巢則諸羅之圍不  
攻自解要領旣得乘勝直前雖賊匪衆多無難  
尅期殲滅至臣前赴鹿仔港本應由蚶江配渡

聞李侍堯所備船隻馬匹帳房等項先已齊集  
廈門若復調往蚶江轉稽時日廈門至鹿仔港  
海道本屬相通自應卽由廈門前往以期迅速  
惟現在颶風頻作連日不止茲已於十九日拜  
摺後登舟卽在大擔門候風一俟風信稍順卽  
刻放洋逕渡此時仍聲言由鹿耳門前進臨時  
再諭知船戶令其前赴鹿仔港使賊匪猝不及

防亦聲東擊西之一法

同日李侍堯奏言閩省辦理軍需除節次解往臺灣南北各路軍營一百五十餘萬兩外其內地辦理兵差夫船各價及一切製備軍裝借給官兵俸餉等項支用亦多寧可寬為備辦懇再撥銀二三百萬兩以備接濟至本省歲需官兵俸餉等項一百四十萬餘兩藩庫亦屬不敷據

布政使覺羅伍拉納詳請於鹽道庫內撥銀四十萬兩以供支放似亦應照詳動撥再鹿仔港所運糧餉鉛藥等項本俱充足今更當源源運送務期寬裕惟是該處糧餉向來祇係同知等官辦理今將軍叅贊等全向此路將來續調之川黔兵到來亦俱由此進勦則糧餉不可無大員經理臣擬即檄臬司李永祺由海道前赴鹿



仔港但據福康安告稱此時尙聲言由鹿耳門  
前進臣俟福康安開洋後再飭知該臬司前往

仍須慎密不可稍露端倪其府城有永福楊廷

理等料理亦可不致有悞惟官兵屢次赴援諸

羅之後該處存兵又稍覺單薄查臣所派赴援

鹽水港之兵三千名已先有一半放洋其續到

之一千五百名現在總兵鄭國卿帶領尙在厦

門守風臣與福康安面商將此一千五百兵仍

帶赴常青處協助則南路兵力亦益厚集足資勦

大殺均奏入

上命軍機大臣傳諭福康安常青恒瑞柴大紀李侍

堯孫士毅曰福康安所奏臺灣府城賊匪現在窺

伺一節俱係地方官稟報之語但前此蔡攀龍帶

兵援應諸羅時先據地方官稟報已將道路打通

直抵諸羅復自城內殺出而續據恒瑞李侍堯奏報則蔡攀龍抵諸羅後仍被賊梗阻道路並未出城勦殺可見該處地方官稟報之詞好否皆未必盡係確實惟常青處兵力雖厚但先後派撥魏大斌蔡攀龍等援應諸羅已不免分勢而恒瑞又帶兵三千赴鹽水港常青處現存之兵以分而見單所存無幾賊人乘間侵擾亦屬事之所有常青

前經具奏親帶官兵往南潭中洲等處搜勦賊匪如府城附近賊勢稍增想常青自揣兵力有限不得直前搜捕亦斷不能輕離該處府城從前未添兵以前尚能守護無虞又有常青在彼自當更無他慮總須俟常青等奏到方得的實看來常青柴大紀兩處局面尚能支持防守所慮官兵或因屢有挫失不免氣餒於勦捕未能得力今福康安卽

由廈門配渡前赴鹿仔港仍聲言由鹿耳門前進使賊匪猝不及防所辦甚好其所稱常青等調度失宜官兵多有損失及南北兩路賊匪處處相通而我兵相距遼遠聲勢不能聯絡各情節實爲切中肯綮福康安於抵鹿仔港後振作士氣鎮定人心探視賊蹤所至沿途搜勦實爲此時要着至賊人狡猾伎倆往往於官兵過後阻截道路今福康

安擬將賊匪屯聚相聯之處併力截斷使其首尾不能相顧是卽因賊人之巧計用以攻賊俾官兵所過之地不致旋通旋塞深合機要此事初起時若早派福康安前往督辦自早已蕝功乃黃仕簡任承恩貽悞於前而常青等又茫無把握以致曠日持久尙未辦理完結朕悔之無及今福康安到彼聲威壯盛又有巴圖魯侍衛章京等百餘人帶

領已到蓄銳之兵進勦且續調之屯練二千黔兵二千廣西兵三千約計十月底俱可到齊此項兵丁內川黔兩省兵最爲趨捷臨山陟嶮驍健可用雖廣西之兵稍遜於此二省之兵亦於南方潮溽之地水土相宜尙可期得力又李侍堯派赴鹽水港兵三千名今據奏已先有一半放洋其一千五百名現經總兵鄭國卿帶領候風過渡合之常青

恒瑞柴大紀普吉保等所帶之兵統計不下五六萬是先後派調之兵爲數已多加以府城及鹿仔港招集義民自足敷勦捕之用况我朝定鼎之後止用滿洲勁旅所向克捷無不以少擊衆戡定海內奄有萬方諒此等么膺草竊卽云爲數稍多祇不過一時烏合以現在如許多兵統領進勦豈尙有不敷卽云遍地皆賊斷無須一兵抵一賊之理

福康安惟當督率將弁奮勇前進勉圖奏績前經降旨令李侍堯孫士毅於福建漳泉及廣東潮州等處添募官兵以備調遣該督等竟當廣爲招募粵東與福建境壤毗連設遇有撥調可就近派往而附近游手無藉之民甚多令其食糧充伍既可安戢地方又可豫備調撥福康安察看情形若勦捕賊匪實有必須再行添調之處閩省粵東之兵

不妨一面奏聞一面卽就近撥調以期應手福康安計出萬全

上天必垂嘉佑惟福康安摺內所稱沿途搜勦一節賊

匪到處屯聚所過村莊民人多被迫脅今福康安統兵進勦其經過地方固應乘勢掃除不使於官兵過後潛出滋擾但所過村莊若悉行殲戮恐一處被官兵勦洗而他處聞風畏懼轉爲賊拒敵是

驅使從賊轉堅其助逆之心若不留心防範而於  
 所過村莊聽其聚處又恐奸猾之徒於官兵過後  
 生心梗阻致為肘腋之患福康安務須隨時體訪  
 加意密防使良善得安其心而奸宄無由逞其伎  
 倆此為最要再如鹿仔草等處本係楊起麟邱能  
 成在彼駐守嗣因調往援應諸羅致該處兵單為  
 賊所據福康安統兵前進所過之處其原派駐守

官兵不可輕易撤調即鹿仔港亦應遵照昨降諭  
 旨於普吉保李化龍二人內酌留一人駐守以免  
 疎虞至京營勁旅朕非靳於調撥惟念自京至閩  
 道里遙遠即如川黔等調派之兵到彼尚須時日  
 若調動京兵更屬緩不濟急兼恐有駭聽聞且各  
 省官兵到臺灣後尚因彼處氣候水土不能服習  
 多有染患疾病者若京兵到彼更不相宜即派往

亦恐用非所長不能得力是以不復調遣福康安  
意以為何如至貴林楊起麟二人是否實係陣亡  
著即行查明速奏

上又命軍機大臣傳諭李侍堯曰前因賊首林爽文  
糾眾謀逆罪大惡極該犯係漳州人其祖墳自必  
近在漳州一帶早經降旨令李侍堯密委妥員將  
林爽文祖墳先行刨挖到骨揚灰以損賊勢今月

餘尚未據該督覆奏著傳諭李侍堯將於何日查  
明林爽文祖墳處所及如何辦理之處迅速覆奏

上又諭內閣曰成都將軍鄂輝現在帶領四川屯練  
兵丁赴臺灣勦捕賊匪鄂輝久歷行陣於軍旅較  
為諳習亦著授為叅贊協同福康安悉心籌辦進  
勦以期迅奏膚功

上又諭內閣曰現在臺灣勦捕逆匪尚未竣事所有

軍需等項動用較多著該部於隣近福建各省分酌撥銀三百萬兩令該督撫派委妥員迅速解往

閩省備用

同日何裕城奏言川省屯練降番兵二千名先

經副將那蘇圖帶領頭起五百名於九月十八

日抵江西九江府境當即起程前進茲松潘鎮

臣 穆克登阿帶領二起五百名於二十一日抵

九江境即於次早起程前進成都將軍鄂輝帶

領三起五百名於二十四日抵境亦於次早起

程副將張芝元帶領四起五百名及額外多帶

降番三十一名於二十六日抵境亦即於次早

起程並由南康南昌饒州廣信等府前進經

每起於例給口糧鹽菜之外量給食物錢文分

別犒勞該屯番等趕緊行程甚屬踴躍亦極安



靜臣仍飛飭臬司額勒春於南昌省城上船處

督率照料並飭藩司李承鄴於鉛山縣過嶺出

境處親為妥協經理再湖北省協濟閩米十萬

石分作四起由江西五福地方起岸轉運其頭

二起米五萬石先已入境換船前進今三四起

米五萬石亦於九月十五十九等日先後抵江

西九江府境臣派員協同各地方官護送趨催

行抵鄱陽湖口一俟風順立即渡湖換船前進

不致少有遲悞奏入

上命軍機大臣傳諭孫士毅孫永清李慶棻曰廣西

貴州兵丁前據孫永清李慶棻奏已於九月初九

十六等日全數出境諒日內自可陸續趨發已節

經降旨催令遄行現在福康安已抵廈門配渡亟

須官兵接濟合力攻勦著沿途各督撫於前項官

兵抵境務須妥為照料趨程前進愈速愈妙

初七日

辛丑

福康安海蘭察同奏言登舟數日風

信靡常現在大擔門守候日內若得旁面稍順

之風可以折戩行走即令開駕放洋再臺灣各

處義民隨營打仗接濟諸羅糧食最為急公出

力茲賞給義民頭目官職並將乾隆五十三年

應徵錢糧通行蠲免現已發給廈門道廳等刊

不刻膽黃送至舟中一經登岸即於南北兩路普

通行張挂並一面出示剴切曉諭被脅民人亦必

聞風投出現在調派漳州兵丁二千名與賊匪

日同鄉多言其不可深信然此時祇可分派各營

各隊嚴加約束仍不可稍露端倪至義民人數

衆多難保無賊人混入其中亦當責成義民頭

目實力查察奏入

上命軍機大臣傳諭福康安常青海蘭察李侍堯曰  
海面九月內風色不正此原不可過於焦急輕易  
冒險但十月向係平順易渡福康安於九月十九  
日在廈門登舟候風過渡計此時早交十月想已  
得有順風久經放洋前抵鹿仔港矣臺灣勦捕賊  
匪前後派調官兵不爲不多而常青等運籌調度  
不能得有把握以致東派西撥兵力見單賊勢尙

在各路滋擾幸而朕先事豫籌早經降旨將四川  
屯練及貴州廣西兵豫爲調度此時臺灣各路之  
兵未免因日久稍疲而新調川黔廣西之兵皆係  
生力待其接續前到正資勦捕之用此刻雖因守  
風稍爲稽待然自此兵威壯盛機宜奏合未始非  
成功先兆福康安於此時轉不必過於焦急輕易  
涉險也李侍堯派令鄭國卿帶往本省兵三千名

亦在大擔候風自卽與福康安一同渡洋此內一  
千五百名前據李侍堯奏擬撥往常青處此時福  
康安到鹿仔港後卽日相機進勦其鄭國卿所帶  
兵三千名竟可全數俱赴鹿仔港不必撥往南路  
更爲壯盛再七月間曾據常青奏遊擊黃鳴鳳帶  
領弁兵義民在鹿耳門洋面巡緝瞭見賊船八隻  
隨率兵民追捕殺賊二十二人餘匪逃竄賊船賊

寮盡被焚燒等語曾諭令常青等於各隘口分派  
員弁實力巡查嚴密防範何以前此賊匪潛出滋  
擾時當被巡緝官兵卽時追捕勦殺而近日鹿仔  
草一帶近海口岸轉被賊匪肆出騷擾焚搶屯佔  
並不能隨時勦捕着福康安到彼後嚴飭沿海各  
隘口官弁兵丁等務須梭織巡邏認真查緝毋使  
賊匪得以乘間滋擾劫奪船隻至普吉保前奏俟

李化龍抵鹿仔港後卽親帶官兵進擊西螺斗六門正欲觀其後効乃距今已閱兩旬其如何進兵攻擊及西螺一帶會否打通道路接應諸羅之處並未據有續奏或又係因風阻亦未可定普吉保在彼帶兵是否實能奮勇出力著福康安秉公查明據實覆奏人才難得福康安亦不必因有前旨豫存成見

同日河桂奏言福康安進攻大里杙不特廓清道路攻圍賊巢須用多兵卽留防後路以及沿途護送糧餉火藥等項在在咸資兵力且福康安與海蘭察等久歷戎行聲威素著非常青等可比必得一臨其地每戰必克所向披靡方足以寒賊膽而整軍威若急於前進設未能長驅直入途次稍有濡遲不副衆望所關匪細臺灣

節次調往之兵雖已不少但分路勦捕及派撥防堵勢已見單且其中亦少可用之兵而鹿仔港原駐兵力又不及府城至義民熟番等各護其身家大約以之守禦則可資其力以之攻勦則但能助勢卽如勦賊以來義民鄉勇到處打仗傷亡俱較兵丁甚少於此可見徐鼎士帶兵不過二千餘名卽由大甲溪進勦恐亦難深恃

計福康安到廈門蚶江一帶當在九月二十左右臺灣每年九月向多颶風難於配渡若福康安畧需等候放洋則現調之屯練降番與黔省兵丁隨後可到福康安親帶前往聲勢較壯若福康安到廈門蚶江一帶卽揚帆逕渡似宜就該處現有兵力先於諸羅鹽水港等處勦殺匪黨廓清後路俟屯練降番與黔兵到齊兵力稍

充整頓前進時再飭知徐鼎士由大甲溪尅期  
 夾攻庶搗穴擒渠可以得手就臣愚見臺灣現  
 在勦賊必得可用之兵二萬專為搗穴擒渠之  
 用辦理方有把握福康安到彼如原有及現調  
 各兵足敷攻勦自不肯再請添調儻兵力尙不  
 敷用仍需奏請添調湖廣兵丁或竟於原備楚  
 兵之外尙需續添黔兵數千仰懇

皇上俯從准其調用並飭令邁進緣臺灣炎熱雨濕  
 官兵速到總得於春令完事則辦理不致棘手

奏入報

聞

欽定平定臺灣紀畧卷三十九

欽定平定臺灣紀畧卷四十

十月初八日

壬寅

孫士毅奏言委守備沈德清千

總莊大進帶同兵丁三十二名將赴臺兵丁綿

衣鞋袴帳房等項分載兩船運送廈門九月初

五日在粵東澄海縣開行九月十八日接護南

澳鎮副將鄭元好稟稱前赴閩省銅山沿海一

帶巡查至虎仔嶼收泊沈德清等船隻亦收至



虎仔嶼告知於十五日灣泊銅山營仔汛港三  
更有賊船四隻每隻數十人前來行劫千總莊  
大進船內裝載鞋袴帳房等項被劫去一百餘  
隻並失去隨帶兵器數件千總戳記一個因賊  
多兵少兵丁三名被打落水千總及各兵均各  
受傷其守備沈德清船內裝載綿衣未曾被劫  
等因<sub>臣</sub>查該護鎮鄭元好既在閩省銅山沿海

一帶巡哨何至一任盜賊充斥毫無顧忌其銅

山營汛是否該護鎮所轄抑另有專管之員應

聽閩省查明叅辦外<sub>臣</sub>現於粵東境內各海口

一體委員上緊緝嚴密查<sub>臣</sub>奏入

上命軍機大臣傳諭李侍堯孫士毅徐嗣曾曰鞋袴

帳房等項俱係運送臺灣軍裝物件被劫至一百

餘隻之多看來竟係林爽文夥匪在洋面潛出邀

劫不可不嚴拏究辦此案被劫係在閩省洋面李侍堯自應飭屬一體嚴拏但該督駐劄廈門辦理軍務照料官兵配渡事務繁多無暇兼顧徐嗣曾現在省城並無經辦要件竟著責成該撫督率所屬實力查拏務期按名弋獲毋使漏網徐嗣曾於臺灣勦捕事務初時尙知留心隨時陳奏後見賊匪肆擾日久一時未能辦結未免心存畏難轉似

置身局外緘默不語若與已無干者徐嗣曾係本省巡撫何得漠不相關若此著傳旨嚴行申飭

同日保成奏言黔省頭起官兵距古州水次較近是以咨會古州鎮總兵馬詔蛟卽將頭起官兵會同貴東道尼堪富什渾先行點驗開行總兵馬詔蛟親至丙妹照料嗣臣趕赴古州卽將

二起官兵查點開行隨親督前抵丙妹撫臣李

慶茶於遵義大定平遠黔西官兵過省亦即親  
赴沿途督催鉛彈等項俱加倍帶往以資備用

奏入報貴東啟承聖旨計戰失餘興德開

聞

初九日

癸卯

孫士毅奏言黔兵赴閩計程雖遠而

自貴州一帶至廣西梧州府均係溪河急水順

流而下無需多日其自梧州至廣東省城水勢

亦順不致稽遲唯自廣州至惠州老龍地方逆

水居多自老龍過山之後如遇溪河水勢不致

過淺亦止數日可到潮州查廣西柳州以上提

臣三德在彼督催撫臣孫永清現駐梧州照料

其入粵東境後撫臣圖薩布提臣高瑛於廣惠

兩處上緊催趲其自老龍過山清溪下船至潮

臣妥為料理中間復派委文武大員分段催查

務期加緊進行斷不令稍有遲滯至粵西兵三千分作六起其頭起五百名即日可到黃岡點送入閩其餘五起因營分較遠於九月初十日以前由梧州全數起程約計月盡月初亦由黃岡全數出境奏入報

聞

十四日<sup>戊申</sup>恒瑞奏言鹽水港附近民人多有從

來賊九月初四日有賊匪二三千猝至經恒瑞督令岱森保屢次堵禦初五日早又有賊萬餘前豐來滋擾恒瑞督率富克精額奮力勦殺賊匪人各數衆多官兵不能抵禦富克精額被砲打傷陣亡恒瑞欲進不能卽欲棄鹽水港退回常青處奏亦不能達現在續到兵五百名唯有悉力固守

土命鹽水港奏入備詠東安常青處蘭察司許率

上命軍機大臣傳諭福康安常青海蘭察恒瑞李侍  
堯孫士毅柴大紀曰該處賊勢尙在猖獗恒瑞兵  
力有限未免進退掣肘幸所帶之兵又續到五百  
名可資接應恒瑞此時亦不必過於焦急唯當在  
鹽水港悉力固守以待福康安到若賊匪衆多勢  
難守禦不妨竟棄鹽水港回至常青處再圖進取  
亦是一策但用兵之道以攻擊爲先著堵禦爲後

著今官兵所到轉被賊人攻擾我兵日以抵禦爲  
事是官兵祇辦接應著著落後而賊人轉得占先  
客主之勢豈不倒置恒瑞此時旣不能帶兵前抵  
諸羅又不能回至府城亦斷無在彼株守之理况  
恒瑞在彼賊匪不時滋擾仍須堵禦勦殺不得休  
息與其賊來始應何若偵探附近賊匪何處單弱  
有隙可乘卽帶兵直前攻勦使賊人救應不暇以

成反客爲主之勢豈不甚善恒瑞當察看光景酌量妥辦亦不必過於拘泥遵旨也至福康安自九月二十四日在大擔門發摺後迄今未據續有奏報前於陞辭時曾令到廈門後察看情形如臺灣府城及諸羅設有疎虞福康安應俟添調官兵到齊再行放洋前進計此時福康安自早得有順風徑渡鹿仔港現在鹽水港有賊滋擾恒瑞勢不能

支儻此旨到日福康安尙在守風待渡竟當俟川黔等省官兵到齊再行開駕若已得風配渡前抵鹿仔港不妨稍爲等候俟川黔粵西官兵陸續到彼再行統領進剿或先赴鹽水港一帶勦殺賊匪援應恒瑞或徑由鹿仔港直攻大里杙賊莊使賊人迴顧巢穴前後牽綴則鹽水港等處賊匪自必紛紛解散其圍不攻自解福康安唯當審度機宜

不可畏難亦不可冒險輕進總以持重爲要至福建廣東二省召募新兵未經訓練若卽用以勦賊難期得力著傳諭李侍堯孫士毅如遇福康安續有添調之處先將各營練習之兵派令前往其新募之兵留於該省巡查防守仍一面督飭將弁上緊訓練務期精熟可用庶於戰守均爲有益又徐鼎士處未據續有奏報就目下情形而論如賊匪盡往南路大里杙賊莊祇係家屬老弱則徐鼎士自應由大甲溪乘虛進搗賊巢以分賊勢若北路賊匪屯聚尙多徐鼎士且勿輕進福康安到鹿仔港後距彼更近自悉該處確信其應如何籌辦之處卽當檄知徐鼎士遵照辦理

上又命軍機大臣傳諭李侍堯舒常俞金鰲何裕城浦霖曰前經降旨令浦霖於湖南挑選兵二千名

以備徵調自己豫爲挑備今臺灣勦捕逆匪尙未  
歲事現須添兵協勦該省兵丁從前調赴金川軍  
營於馳陟山險較爲便捷今調往臺灣助勦自更  
得力著舒常浦霖卽將挑備兵二千名派鎮算鎮  
總兵尹德禧爲總統並著於副將內曾經身歷行  
陣者酌派一二員隨同帶兵前往亦照運米路徑  
由江西一路迅速赴閩聽候福康安調用所有軍

裝火藥等項俱著妥協備帶勿致稍有缺乏至湖  
南鳳凰廳地方前因苗匪滋事甫經該鎮尹德禧  
搜捕淨盡該處係苗疆緊要必須大員在彼駐劄  
以資彈壓著俞金鰲卽行前往該處駐劄兼理總  
兵印務並著何裕城於兵丁抵境時妥爲料理釐

程前進

十一月十五日

己酉



上命軍機大臣傳諭福康安常青海蘭察恒瑞李侍  
堯曰福康安統兵進勦所帶官兵多係派調勁旅  
其閩省本地兵丁屢經挫失自不能如川黔兵丁  
之得力但現在臺灣統兵大員內如蔡攀龍等卽  
籍隸閩省其餘偏裨千把籍隸本省者諒復不少  
福康安仍當加以策勉鼓勵俾伊等各思振奮勉  
圖出力不可因現帶巴圖魯侍衛章京等皆驍勇

皇  
絕倫所調各兵俱係生力可恃遂置閩省官兵於  
不齒致阻伊等効用之心况現在各省調往兵力  
雖多於該處路徑情形未能熟悉必須本省官兵  
爲之向導福康安務須隨時留意於閩省將弁兵  
丁中視其出力者鼓勵數人以作其氣而收其用  
不可稍存岐視也再前據常青等奏官兵與賊打  
仗屢因遇雨路窄不能擺列隊伍但我兵因路窄

難行不能整隊豈賊人獨能悉衆全來坦行無阻  
且我兵因雨水泥濘難以前進何以賊衆獨不避  
雨水泥濘時出滋擾殊不可解福康安到彼詳悉  
查明該處實在情形悉心籌畫務出萬全  
臣等謹按閩省兵丁當屢經挫失之後其氣已  
餒我

皇上特簡巴圖魯侍衛章京等及調集川黔勁旅皆

驍勇絕倫可期迅速集事尙  
垂念閩省弁兵執爰隨行不肯稍存岐視以阻其効  
用之心特

命於將弁兵丁內視有出力者錄用數人以作其氣  
俾得人人自効踴躍爭先斯真天地之量而爲  
鼓勵人才之極則歟

十六日  
庚戌福康安奏言  
臣此次由鹿仔港進勦

必須南北兩路併力攻圍使賊匪處處防備疲  
 於奔命賊勢既分軍威壯盛不難一鼓殲擒現  
 已繕就咨文俟放洋時差人乘坐哨船知會常  
 命外青恒瑞柴大紀蔡攀龍等約計臣到鹿仔港之  
 時各路大舉進攻鹿仔港大兵即可乘機迅發  
 匪念直抵諸羅將沿途賊匪痛加勦殺一面撫諭附  
 皇上近被脅民人令其各保村莊殺賊自効不必尋

星派撥逐處留兵道路自無虞梗阻中路既通  
 聲勢益加聯絡然後整兵進逼大里杙約會淡  
 水官兵由烏日莊夾攻另派巴圖魯侍衛數員  
 帶兵在牛馬快官等莊杜其奔竄之路巢穴既  
 傾南路賊勢益孤殲擒更易為力臣遙揣情形  
 似應如此辦理到彼後如有應行佈置之處再  
 當相機妥辦

金定平定臺灣紀略 卷四  
同日李侍堯奏言閩省駐防滿兵除恒瑞帶領  
一千赴臺郡外尚有一千五百餘名省城地方  
亦屬緊要若分撥八百名來駐廈門亦足資彈  
壓隨飛移副都統鄂岳令其如數調派並明諭  
各兵以將軍現赴臺灣恐將來或需派撥是以  
先調至廈門豫備至廈後仍飭隨時操演既不  
稍露端倪亦已足壯聲勢至將軍福康安既赴

鹿仔港將來解送要犯或由蚶江入口該處附

近泉州有陸路提標兵自足彈壓可毋庸分撥

滿兵駐劄其漳州一帶地方尤當靜鎮是以

臣

諸事只照常辦理不露形迹再密飭平和縣查

訪林爽文祖墳據稟林姓各支多者千餘丁少

亦數百丁現在進士林屏南稱康熙年間有林

恪者隻身渡臺營生後卽家於大里杙乾隆四

十年屏南之堂姪林任觀往臺販易寓大墩林訪家曾有大里杙人林爽年約二十以內常來間遊詢係林恪之孫現在造逆之林爽文或卽是此人但事隔多年彼此不通信息是否的係此人不能知其確實等語查漳泉風土往往人名有兩字者只呼一字以便稱謂今林任觀所遇之林爽旣居大里杙當卽係現在之逆匪材

爽文則伊祖林恪以上墳墓卽應刨掘但據林任觀所供林恪之孫與現在逆匪是一是二尙無未有的據該姓支族甚多方且各懷畏懼未便由因疑似之間遽行辦理恐遂致驚疑不安容再具行密訪務得確切根據辦理均奏入  
上命軍機大臣傳諭福康安常青海蘭察恒瑞柴大紀蔡攀龍李侍堯曰福康安所奏籌辦勦捕事宜

與朕節次所降諭旨雖有大同小異然已俱得領  
要現在添調川省屯練兵不過七八日即可前抵  
廈門若福康安在大擔門守風尙須數日放洋則  
此項兵丁當已陸續到彼福康安即可帶領一同  
渡洋卽福康安已得順風先行開駕而屯練兵隨  
後配渡計其前抵鹿仔港亦不過於福康安到後  
一二日卽可到齊其貴州廣西兵亦當接續全到

且福康安前此原請添調四川湖南貴州兵各二  
千今湖北之兵雖因路遠未經調發但朕已豫爲  
籌及派調廣西兵三千現又添派湖南兵二千而  
川黔之兵於福康安未經奏調之先亦俱預爲調  
派此時俱可絡繹前抵該處正資進勦何慮不所  
向克捷耶唯恒瑞在鹽水港有被賊滋擾之信該  
叅贊前日奏到之摺係由廣東轉遞福康安未經

欽定平定臺灣紀略 卷四十一  
三  
啟閱自尙未得信已降旨詳諭一切就此時情形  
而論自先以援救諸羅爲要福康安到鹿仔港後  
等候川黔廣西兵齊到卽直抵諸羅柴大紀蔡攀  
龍在彼日久於該處情形自爲熟悉福康安當與  
之悉心籌畫至臺灣府城現有常青在彼看來雖  
未能進取而自守尙屬有餘卽使府城守禦難支  
或竟有疎虞之事亦不難再爲收復福康安不必

備因身當重寄不能爲郡城保全卽爲有負任使心

懷疑慮以致顧此瞻彼轉不能併力一處決機制  
勝朕亦不怪福康安之不救也所帶巴圖魯侍衛  
章京等皆係久經行陣於行軍機要皆能熟悉統  
兵進剿時其旁路後路或有賊匪潛出滋擾伊等  
自能隨時察看豫行防範不致墮賊狡計至林爽  
文祖墳未得確據自未便因疑似之間概行刨挖

轉致林姓支族聞信驚疑應俟查有確切根據再行辦理即使一時未能查出亦無甚關係不妨稍從緩辦

同日何裕城奏言四川屯練降番兵二千三十餘名先於九月二十六日全抵江西九江府境

諭旨飭令加緊兼程行走又飛飭各地方官并添派

文武大員分布各站節節趲催而該官兵等亦聞各踴躍爭先由南康南昌饒州廣信等府行抵上余河口鎮經藩司李承勳率同府縣等在彼經理分起過鉛山縣之分水嶺至初八日全抵閩省之崇安縣迅速前進奏入報

閩

十七日

辛亥

孫士毅奏言前因諸羅急需應援節



一面知會粵西兵起程來潮一面於粵東再奏  
調一千名實屬失當至粵西兵三千於十月初  
四日全數照料入閩黔兵二千計日應抵粵東  
境內奏入

上命軍機大臣傳諭福康安常青李侍堯孫士毅徐  
嗣曾曰今臺灣勦捕賊匪尙未能尅期竣事正需  
兵力則孫士毅豫行派撥以聽調遣殊爲得用甚

資其力何必引以爲罪耶此時屯練兵二千已抵  
該處粵西兵三千亦已早抵廈門合之鄭國卿候  
風待渡之兵又有八千生力雄兵加以鹿仔港原  
有之漳州兵三千廣東兵三千以及義民番社而  
以巴圖魯侍衛章京等分領進勦何向不克但恐  
將來大功垂成賊匪勢窮力絀之時此輩狡獪性  
成斷不肯束手待斃或思由海道搶船避竄笨港

鹽水港鹿仔草一帶俱曾被賊匪焚搶此等處均係通海口岸將來賊匪避竄時其大里杙巢穴留存家屬甚多賊人顧戀家室自必思搶船隻同載逃逸若逃往洋面則大海廣濶踪跡匪易豈有福康安亦駕船追捕之理福康安等務須豫行留心令兵力既多如沿海口岸一經將賊殺散卽揀派水陸弁兵嚴行看守並留一二十大員往來稽察勿

被賊人搶佔若有商販船隻亦當全行調開勿令近岸其運載軍需兵米等項船隻於到後卽令原船仍回內地使賊人無船可奪絕其逃竄入海之路方爲妥善再漳泉各屬向藉臺灣運米接濟今臺灣被賊滋擾雖米石不能源源運送但該撫現稱內運無多則是臺灣地方小民尙能耕種有米運至內地且昨據福康安奏常青在府城與賊打

仗情形其信息卽係得之船戶可見該處商販雖少尙有船隻往來其臺灣產米是否常有運送內地者爲數約計若干現在臺灣南北兩路何處尙照常耕種並著福康安李侍堯於便中訪查據實具奏

二十九日

癸丑

上命軍機大臣傳諭福康安李侍堯曰臺灣地方奸

民糾衆械鬪之事非止一次皆由該處多係漳泉

二郡及廣東民人在彼居住而漳泉兩郡民人素

有嫌隙及與廣東民人彼此不睦其里居田土互

相錯處往往分爭構釁械鬪滋事而地方官並不

實力查辦惟思將就完案以致奸民無所儆畏因

而釀成事體此次林爽文等倡亂不法劫縣戕官

亦卽因糾衆倡會而起今福康安等統領大兵鼓

欽定平定臺灣紀略 卷四十一 九

勇進勦自可尅期蕝事惟該處刁民惡習相沿已久若將來撤兵之後未免故智復萌辦理匪易現經此番大加懲創不可不悉心籌辦妥爲經理以期一勞永逸因思廣東漳泉三處民人互相搆讐若能令其彼此分處各不相涉自屬甚善但伊等在彼居處多年各有田產安土重遷一時概令離析勢有所難將來賊匪蕩平後福康安應酌量情形設法妥辦如義民內住居山猪毛廣東莊者久經官給懷忠里効忠里匾額該處義民最爲奮勇急公自應令其照舊安居各守本業此外各處義民實在隨同官兵打仗殺賊者旣經奮勉出力豈可轉令遷徙失其世業若賊匪莊業例應入官當召募別處良善之民居處至各近處村莊民人雖無從逆實迹而與賊匪同住一莊心持兩端者究

不可信或趁此兵威將該處村莊民人酌爲遷徙其籍貫分隸廣東漳泉者令其各爲一莊俾相離較遠以杜爭端至臺灣府城爲五方雜處之區自難逐一清釐轉滋煩擾况鎮道大員俱駐府城原可隨時彈壓無虞滋事則不必辦及至臺灣南北各處村莊多被賊焚燬民人俱遭戕害並賊人頭目及被賊脅從之衆所遺田土房產旣未便仍撥給漳泉之民令其徒享利益且恐遊手無藉之徒從而聚處又致滋事自應將其田產查明入官另行分撥因念該處熟番向化日久此次逆匪滋事熟番並無從賊者且淡水等處現在招集番勇甚多莫若將此項入官田產如四川屯練之例卽給與熟番耕種按則陞科令其安居管業自爲守護旣可以示綏戢又可招撫生番豈不一舉兩得再

諸羅彰化等處地方遼濶亦須酌量添設兵丁以資防禦該處止設知縣一員恐職分較小不能彈壓或應酌添丞倅將弁在該處駐劄更爲有益著福康安等歸入善後事宜酌辦不必過於拘泥將來應行籌辦之事甚多若令李侍堯渡洋前往辦理恐內地乏人而常青於此等要務未經諳練恐亦不能籌辦裕如福康安卽遠涉重洋於該處整頓地方戢暴安良一切善後之事正應乘此大兵得勝之後妥爲區畫不必急於回京至海蘭察及巴圖魯侍衛章京等事竣後自應令其先回不妨酌留數人以資臂指其閩浙駐防滿兵亦應令其各回本處惟屯練黔兵旣經遠調到彼將來辦理善後事宜或有應須兵力鎮撫之處亦不妨暫留該處於諸事辦完後應撤回時再行撤回也

二十日甲寅徐嗣曾奏言四川屯練降番二千名

調赴來閩二起兵五百名於初四日入境其頭

起兵已於今日到省先准督臣咨會調撥駐防

滿兵駐劄廈門備調經酌派八百名分起前往

臣與副都統臣鄂岳商同料理趁川兵未到之

時先令滿兵兩起於初八初十日起身此時川

兵已到應先儘該屯練等逐起過竣後再遣後

起滿兵前進臣親赴沿途照料彈壓火藥鉛彈

均已備貯泉廈兩處經臣酌定川兵由蚶江配

渡赴鹿仔港已飭總辦局司道於泉州存貯軍

火內就近按照撥給以資帶往至廣西兵三千

名據報三四起已抵廈門貴州兵二千名計已

可抵粵境俟各兵到時即可迅速配渡奏入報

聞

閏 二十一日 乙卯 孫永清三德同奏言黔省官兵二

千名分四起行走頭起官兵於九月二十一日  
入粵西之梅寨界第二三四起俱閏日前來自  
梅寨至蒼梧出境共水程一千八百餘里每多  
灘淺難行之處先期飭令各地方官多備人夫  
在灘伺候兵船一到立即拉送毋許片刻停留  
並飭沿途督護各員弁加緊嚴催俾各起接續

行走茲於十月初三日至初六日四起兵船已  
其全數出境入廣東封川縣界交明廣東道府員  
將弁押護前進其統領各兵之總兵許世亨并各  
將弁均能約束兵丁安靜守法並無生事滋擾  
尚之處奏入

上命軍機大臣傳諭福康安李侍堯曰現在川黔廣  
西等省兵丁即日陸續前抵鹿仔港伊等遠涉數



省行走奮勉安靜自應酌加獎賞以示鼓勵此內  
屯練兵丁屢經調派素爲得力但此次甫經新到  
尙未與賊打仗獨著勞績旣未便先加恩賞轉使  
他省調撥之兵不無缺望且臺灣節次所調粵東  
浙江及閩省滿漢官兵甚多久經在彼防守堵勦  
其中傷亡病故及疲弱不能得力者一時亦難分  
晰查明普行給賞自應核其功過分別賞罰用示  
勸懲著福康安到彼後於打仗時務須隨時留心  
查察至新舊派調各兵有打仗出力者亦有怯懦  
不前者福康安於進勦時應將各該省中奮勉驍  
健之兵臨時查明酌加賞賚庶出力者倍加感奮  
而怯懦者亦知所激勵爭先効用於勦捕機宜方  
可收臂指之效

二十三日

丁巳

李侍堯奏言九月以來海風連作

臺灣久無文報本月初九日始接同知吳元琪  
傳九月初六日來稟內稱初一日柴大紀有信至  
府城稱蔡攀龍等援兵惟蔡攀龍孫全謀帶兵  
數七八百名及運送糧餉之義民三千名到諸羅  
其貴林楊起麟杭富俱在正音莊陣亡賊在諸  
查羅城十數里外周圍邀截使道路不通米糧不  
入現在米價甚貴且無買處又聞近縣各莊田

禾正熟賊與莊民分收運歸斗六門官兵常出  
城截用似尙可支持恒瑞在鹽水港連日打仗  
常青又添派梁朝桂謝廷選帶兵一千前往應  
援等語是諸羅仍未解圍而鹽水港又多賊匪  
滋擾梁朝桂等到彼雖可增助兵力萬一賊益  
鴟張將鹽水港水口截斷則恒瑞等進退兩難  
或有疎失益不成事體是以臣飛札常青速派

水師烏鎗兵數百名駕船數十號往鹽水港倘賊由水路來擾卽行截殺務當保住水口兼可作萬一退步之用

臣

因風帆不順特令廈防廳

選募舵工水手將此信冒險折餞前往但未知是否必能迅速送到至粵西兵三千現已到齊登舟緣東風甚大不能放洋福康安等亦尙在大擔候風川省屯練本月初二日頭起兵亦已

入閩境此項兵係從江西取道省城而來應卽

從蚶江配渡其船隻亦已豫備妥當俟將到時

臣

卽前往蚶江料理貴州兵聞已在途想亦迅

速可到福康安等一得順風自當卽行開駕

同日普吉保奏言

臣

帶領官兵於九月初六日

由大突溪前往笨港分路勦捕留遊擊葉有光

帶兵八百名防守糧道後路十三日行抵麥子

寮有賊衆數千苛派良民銀米民苦不能應賊  
尅期次日燒莊百姓驚惶無措適官兵踵至賊  
衆奔逸百姓懽聲動地是日劄營該處仍一面  
分兵偵探追逐十五日劄營元長莊離笨港八  
里密探賊匪均屯集笨港及前途一帶村莊至  
夜賊匪暗放火號繼以砲聲並聞諸羅一帶砲  
聲徹夜不絕臣當飭將弁嚴爲戒備四鼓將兵

分作三隊

臣

帶領都司馬元勳由中路直衝賊

巢遊擊海亮由西路夾攻護副將琢靈阿爲之

接應叅將張朝龍帶領守備宋國興署守備沈

勇雲從東路橫衝賊衆蜂擁迎敵

臣

督率官兵

奮勇攻殺鎗砲并施打死賊匪數百人生擒賊

夥楊意蘇媽張固三名審明正法獲器械三十餘

件鞭砲二門米穀薯乾約計百餘石當分散出

力各官兵鄉勇焚燒坂頭厝等賊莊七處火烟起後諸羅砲聲亦遂不聞查遊擊海亮奮力督兵復用鎗砲打斃逃散賊匪數人正在收軍據報有賊匪數百人乘大路前進由崙仔頂一路來犯大營經署同知黃嘉訓督率鄉勇會同遊擊夏承熙帶領官兵奮勇堵禦殺賊十餘人當將崙仔頂賊莊燒燬賊眾退散查笨港地方分

離海口三十里自五月失陷後北港竟成片土離南北二港離諸羅二十餘里離鹽水港三十里離南港一帶搭蓋草寮約計二百餘間悉係賊巢土命賊匪得以肆行無忌今頓遭焚殺賊眾未必不為喪膽若徑乘勢直追至諸羅似覺便捷第恐賊匪詭計多端一俟我兵前進在後繞襲阻隔糧路貽害非輕故仍劄住元長莊并可以覘賊

匪動靜臣一面親督官兵焚燒一帶賊莊痛加

勦殺廓清後路一面密遣妥人移咨叅贊臣恒

瑞柴大紀定期三路會合併力夾攻奏入

上命軍機大臣傳諭福康安常青李侍堯恒瑞柴大

紀普吉保曰笨港離諸羅二十餘里離鹽水港亦

止三十里該處經普吉保帶兵收復與諸羅密邇

聲息相聞是諸羅縣城儘可無慮而鹽水港亦距

笨港甚近恒瑞處有續到之閩兵一千五百名又

經常青派令梁朝桂等帶兵一千名前往援應則

鹽水港一路軍勢亦已大振至常青處既能分兵

援應鹽水港看來府城自必防守裕如計福康安

此時諒已順風前抵鹿仔港其四川廣西兵自己

與福康安先後放洋福康安統領多兵及巴圖魯

侍衛章京等前往督勦又經笨港收復之後軍聲

倍振惟當督率將弁相機進剿再該處民人被賊匪勒索銀米焚燒住莊不堪其苦一聞官兵到彼喜獲更生可見賊匪經過地方其附從民人本非甘心從賊特因賊匪逼迫無奈聽從卽如麥仔寮地方幸官兵前往該處民人得所倚仗否則必致被賊脅從是前此業經從賊民人其中爲賊所迫勉強附從者自復不少福康安此時尤應將安分

良民妥爲撫慰安戢卽已經從賊者亦應設法招徠分別辦理不可因已從賊概予殲除轉致阻其自新之路堅其助逆之心此爲最要其貴林所遺溫州鎮總兵員缺著福康安於帶兵勇往之副將中如徐鼎士謝廷選並此外奮勇出力者保舉一員奏明陞補又遊擊海亮署同知黃嘉訓督率兵民鼓勇殺賊均屬奮勉亦著福康安查明酌量陞

用以示獎勵再朕恭閱雍正年間查閱西臺到  
實錄舊例閩粵民人往臺灣耕種者所有妻眷一概不  
許攜帶止許隻身居住臺灣而全家仍住本籍嗣  
經高其倬疏請將在臺灣墾田耕種及有房屋民  
人准其搬眷居住經九卿議駁自因臺灣係海洋  
重地是以不令內地民人挈眷前往今臺灣民人  
俱有家屬與前定之例不符其准令攜帶眷屬起

於何時著福康安李侍堯查明具奏卽如現在林  
爽文等糾衆滋事設其家屬俱在內地賊首等自  
必有所牽顧何致敢於肆逆若此是臺灣民人禁  
止搬眷居住未必非杜漸防微之一法將來事定  
後應如何趁此兵威酌定章程妥協辦理抑或從  
來已久有所不能之處並著李侍堯歸入善後事  
宜一併妥議



欽定四庫全書  
卷四十一  
三  
上又諭內閣曰貴林楊起麟同都司杭富因勦捕賊  
匪臨陣損軀殊屬可憫貴林著照總兵例議卹楊  
起麟前在鹽水港一帶堵禦防守尤爲出力著加  
等照副將之例議卹其都司杭富亦著照例議卹  
以示憫恤

上又諭內閣曰臺灣逆匪林爽文等糾衆不法肆行  
滋擾搶佔村莊實爲罪大惡極今普吉保督率將

弁兵丁由大突溪一路偵探賊踪奮勇殺賊燒燬  
賊寮生擒賊夥奪獲器械銀米甚多收復笨港實  
爲出力可嘉普吉保著交部議叙出力兵弁著福  
康安查明咨部一體議賞

上又諭內閣曰貴林場起麟同都司杭富因赴前敵  
 匪陣陣損獲殊屬可憫貴林著照魏長劍等陣亡  
 起麟前在鹽水港一帶堵禦防守尤為出力著加  
 惠安查閱咨將一節請賞同候旨亦著照例議卹  
 為出代西臺普吉爾著交將請除出代吳兵著卹  
 規寶生餘規輝著發器餘規德米其參亦著發器  
 欽定平定臺灣紀畧卷四十一

